

reſe conſiliantem, iudicantem, & præcipientem, quod ad prudentiam ſpectat: conſilium autem, vt prouidum, maturumque ſit, diligentem inquisitionem, ac diſcuſſionem requirit, ſicut etiam iudicium, ergo ex natura ſua Nouitiorum receptio maturam conſultationem requirit. Adde ex D. Th. lo. cit. quod, *electio eſt appetitus præconſilati.*

D. Thomas.

5 Prob. III. quia, id diſertis verbis imperauit B. Pater, in Regula enim 2. cap. 4. loquens de modo recipiendi Nouitios, ait, quod recipi debent præuia matura deliberatione, idemque repetit in Reg. 3. cap. 4. ubi nota illam diſtinctionem matura, & in Reg. 4. quam ſeruamus, nimirum in Correct. nu. 16. ait, ad ipſos vero ſuperiores Prælatos, & eorum ſocios talium recipiendorum deliberatio ſpectabit: Deliberatio autem matura maximam conſultationem requirit, nam deliberatio idem eſt, quod conſilium, vt habet D. Th. opus. cit. & q. 29. de verit. ar. 8. ait, quod prudēs deliberatio requirit tempus, in eo, qui non eſt certus de re deliberanda, vt ſunt Superiores in hoc caſu.

6 Prob. IV. ex multis congruentijs, quas ad id adducit Seruat. de nouit. to. 1. Lect. 5. l. eſt, ne Margarita, Religioſi ſcilicet probatę vitę, ponantur ante porcos ſeculi. II. ne minime vocati imprudenter admittantur, & bona Chriſti Domini inimicis Crucis Chriſti tradantur. III. ne vinea Religionis fructifera inutilium palmitum commixtione efficiatur ſterilis. IV. ne græx Religionis morbida pecude inficiatur. V. ne & ipſi habitum petenti iniuria inferatur, dum ipſius humeris importabile pondus immittitur. VI. ne ſentina Mundi Religio ſancta efficiatur, ſi quas, ille reſpuit immunditias, illa recipiat.

Seruatiuſ.

7 Sed hic quæres I. quomodo cognoscatur, an petens habitum ducatur à ſpiritu De, vel ab alio motu mundano? II. cuius ſit id examinare? Ad I. Re. uocationem eſſe à Deo cognosce I. ſi adit in voluntate efficax deſiderium ſeruendi Deo, quod cauſet in eo contemptum rerum mundanarum, de hoc ait Caſſian. collat. 3. cap. 4. *Ex Deo quidem eſt, quoties inſpiratione qua-*

Caſſianuſ.